



Broj: 04-GV-04-1631/21
Sarajevo, 13.12.2021. godine

*ZAPISNIK O RADU
OSME SJEDNICE KOMISIJE ZA ODNOS S VJERSKIM
ZAJEDNICAMA I CRKVAMA
održane 13.12.2021. godine*

Prisutni:

1. Alem Logo, predsjedavajući
2. Enisa Spahić, zamjenica predsjedavajućeg
3. Ratko Orozović, član
4. Nazif Osmanović, član
5. Srđan Srdić, član
6. Šejla Hamamdžić, članica
7. Marijela Hašimbegović, članica

Sjednici ispred Gradske službe za Gradsko vijeće prisustvovala:

- Mila Eminović, sekretar Gradskog vijeća

Zamjenica predsjedavajućeg Komisije je otvorila sjednicu u 13.30 sati, pozdravila prisutne, utvrdila kvorum za punovažan rad i odlučivanje.

Zamjenica predsjedavajućeg je upoznala članove sa novom članicom Komisije Marijelom Hašimbegović, te joj poželila dobrodošlicu.

Sjednica je započela razmatranjem Zapisnika o radu Sedme sjednice Komisije za odnose s vjerskim zajednicama i crkvama održane 16.11.2021. godine.

Sa 5 glasova „Za“ i jednim „Sudržanim“ glasom usvojen je Zapisnik sa prethodne sjednice.

Na prijedlog zamjenice predsjedavajućeg Komisije, jednoglasno je usvojen sljedeći **dnevni red**:

1. Prijedlog Programa rada Gradskog vijeća Grada Sarajeva za 2022. godinu
2. Tekuća pitanja

TAČKA 1.

Prijedlog Programa rada Gradskog vijeća Grada Sarajeva za 2022. godinu

Poslije diskusije i sažetka zamjenice predsjedavajućeg, Komisija za odnose s vjerskim zajednicama i crkvama je usvojila sljedeći **zaključak**:

1. Komisija za odnose s vjerskim zajednicama i crkvama sugeriše Gradskom vijeću da razmatra Program rada Gradskog vijeća Grada Sarajeva za 2022. godinu kako je i predložen uz sugestiju da Kolegij Gradskog vijeća dopuni Program rada Gradskog vijeća Grada Sarajeva za 2022. godinu sa tačkom koja glasi:
 - o Dopuna Kalendara obilježavanja datuma i događaja značajnih za Grad Sarajevo na način da se uoči obilježavanja svakog zvaničnog vjerskog praznika svih konfesija u Bosni i Hercegovini organizuje posjeta poglavarima vjerskih zajednica u delegaciji koju bi činilo rukovodstvo Grada Sarajeva i članovi Komisije za odnose s vjerskim zajednicama i crkvama Gradskog vijeća.



Sjednici Komisije se pridružio predsjedavajući Komisije Alem Logo u 14.00, te je preuzeo dalje vođenje sjednice.

TAČKA 2.

Tekuća pitanja

Članica Komisije Marijela Hašimbegović je predložila da Komsija za odnose s vjerskim zajednicama i crkvama organizira zvaničnu posjetu Kardinalu Vinku Puljiću i Mitropolitu dabrobosanskom Hrizostomu Jeviću u delegaciji koju bi činilo rukovodstvo Grada Sarajeva i članovi Komisije za odnose s vjerskim zajednicama i crkvama, a u povodu nastupajućih vjerskih blagdana, te da se identična praksa nastavi i u povodu obilježavanja ostalih vjerskih blagdana u BiH.

Poslije diskusije u kojoj su učestvovali svi članovi Komsije i sažetka predsjedavajućeg, Komisija za odnose s vjerskim zajednicama i crkvama je usvojila sljedeći **zaključak**:

Komisija za odnose s vjerskim zajednicama i crkvama traži od Gradonačelnice da organizira zvaničnu posjetu Kardinalu Vinku Puljiću i Mitropolitu dabrobosanskom Hrizostomu Jeviću u delegaciji koju bi činilo rukovodstvo Grada Sarajeva i članovi Komisije za odnose s vjerskim zajednicama i crkvama, a u povodu nastupajućih vjerskih blagdana, te da se identična praksa nastavi i u povodu obilježavanja ostalih vjerskih blagdana u BiH.

PREDSJEDAVALJUĆI KOMISIJE

Alem Logo, s.r.

Predsjedavajući Komisije je u 14.15 sati zaključio rad Osme sjednice Komisije za odnose s vjerskim zajednicama i crkvama Gradskog vijeća Grada Sarajeva.